

Návt tun tiilááh AIL sajamáksám taaksi Laapist

AIL sajamáksá tiervâsvuotâhuolâttâsân rahtum maadhijd, jis mätki lii rahtum puácuvuodâ, párnáavyerdim já šoddâdem tiet. Táválávt mätki sajamáksoo hälbimus madhâšemvyevi miel. Tun puávtáh finniđ sajamáávsu taksimáádhist, jis tun jieh tuu tiervâsvuotâtile tiet paste kevttiđ almolijd fiávruid teikâ jis almoliih fiávruih iä lah kevttimnáál.

1

Tiiláá taaksi numerist 0800 302 240 (Pro-Keskus Oy)

Tuše taan numerist tiilájum määdhist puáhtá finniđ sajamáávsu. Tiilámsuáittu lii mávsuttem.

- Tiiláá taaksi majemustáá määdhi tađe oovdeb peeivi tme 14 rái.
- Tiiláá taaksi taan numerist meid talle, ko tun tarbâšah taaksi kivkked.
- Tun puávtáh tiilád siämmáá tove puoh tuu tiädust orroo moonnâm- já maccâmsáátuid puáttee 2 oho várás.
- Tiiláá maccâmsáátu ucemustáá 1 tijme ovdil vyełgimäägi, jis maccâmmäädhi äigi lii tiädust.

2

Almoot suáitu ohtâvuodâst

- tuu nommâ já persovntubdâldâh
- čujottâs, kost auto viäžžá tuu
- määdhi čuosâttâh (om. pyecceeviäsu)
- tijmeäigi, kuás tun koolgah leđe tipšo-ohtâduvvâst
- puátá-uv tuu fáárun išeniävuid teikâ läidejeijee
- puhelinnummeer, mast tuu juksá.



3

Tun finniih tiäđu auto arvâlum puáttimääigist

Jis tuu tiilám taksimáátkán šaddeh nubástusah, te almoot tain tállán tiilámnumerân. Majemustáá nubástusâin kalga almottiđ 2 tijme ovdil soppum vyełgimäägi.

4

Čääiti vyeijej tuu AIL-koortâ

Ko tun čääitáh vyeijej tuu AIL-koortâ, te tun finniih mätkisajamáávsu tállán taaksist já máávsáh taksimáádhist enâmustáá 25 euro jiešvástâdâs.

5

Pivde tuodâštus *Todistus matkakorvausta varten (SV 67)*

- Jis tun tarbâšah taaksi tuu tiervâsvuotâtile tiet, te pivde tast tuodâštus tiervâsvuotâhuolâttâsâst (*Todistus matkakorvausta varten, SV 67*).
 - Siäilut oovtâ määdhi várás čallum tuodâštus alnees 6 mánuppaje ääigi mätkipeeivi ráájist. AIL puáhtá pivdeđ tom majelää.
 - Tooimât AIL:n tuodâštus, mii addel kuhesáigásii vuoigâdvuodâ taaksi kiävtun.
- Jis tiervâsvuotâhuolâttâs ovdâsteijee tiiláá maccâmsáátu tuu peeleeest, te tun jieh taarbâš sierâ tuodâštus.

